



Notat

Dato: 04.05.2018
Arkivsak: 2014/291-76
Saksbehandlar: karoen_

Til: Administrasjonsutvalet

Frå: Fylkesrådmannen

Bruk av mellombelse tilsetningar i HFK - Rapport 2018

Sidan 2012 har fylkesrådmannen rapportert til administrasjonsutvalet om bruken av mellombelse tilsetningar i HFK. Målsettinga har vore å gje eit oversyn over kor mange som går i mellombelse tilsetningstilhøve og ikkje minst ha fokus på om HFK følgjer regelverket kring mellombels tilsetting.

Etter arbeidsmiljølova § 14-9 er det rettsgyldig å tilsetja mellombels i engasjement (arbeid av forbigående karakter), i vikariat og i praksisplass, i arbeidsmarknadstiltak og innafor ymse kunst-, kultur-, og idrettsoppdrag. Vidare er det ein regel i arbeidsmiljølova (§14-9, f) om at ein kan tilsette mellombels for ein periode inntil 12 månader på generelt grunnlag. Fylkestinget har gjort vedtak om at denne regelen ikkje skal praktiserast i HFK.

Vikariat

Vikariat (arbeid for ein annan person) er den vanlegaste forma for mellombels tilsetting. Talet på vikariat har halde seg nokolunde stabilt dei seinare åra med mindre variasjonar frå år til år. Det har likevel vore ein nedgang på 18,5 % frå 2014 og fram til 2018.

Tabell 1: Oversyn over vikariat (tal tilsette) i HFK for perioden 2014-2018

Tilsettingsform	2014	2015	2016	2017	2018 ¹⁾
Vikariat	508	441	404	386	414

¹⁾ Talet for 2018 er pr 1.mars (gjeld og tabell 2,3 og 4).

Tabell 2: Vikariat fordelt på sektor

Sektor	2015	2016	2017	2018
Opplæring ¹⁾	382	358	317	350
Tannhelse	37	32	43	30
Fylkesadm m.fl	22	14	26	34

¹⁾ eksklusiv opplæringsavdelinga

Som det går fram av tabell 2 er hovuddelen av vikariata knytt til opplæringssektoren (vidaregåande skule) som er den klart største sektoren i HFK i tal tilsette. Vi ser her ein auke frå 2017 til 2018 på 33 vikariat som utgjør 10 %, men ein samla nedgang frå 2015 til 2018 på 32 vikariat som utgjør 8,7 %. For fylkes-

administrasjonen - som her inkluderer Skyss og Bybanen Utbygging - har det samla sett vore ein auke på 12 vikariat frå 2015 og fram til 2018.

Engasjement

Dette er pr definisjon stillingar der oppgåvene er tidsavgrensa og skil seg frå det som ordinært vert utført i verksemda. Talet på engasjement har gått noko opp i 2017 og 2018 i høve til tidlegare år jf. Tabell 3.

Tabell 3: Oversyn over engasjement i HFK for perioden 2014-2018

Tilsetningsform	2014	2015	2016	2017	2018
Engasjement	31	42	48	64	65

Engasjementa for 2018 fordeler seg slik på sektor: Opplæring 50, Tannhelse 6, Fylkesadm m.fl 9. Dei 65 tilsette i engasjement pr mars 2018 er fordelt på 40,8 årsverk som syner at det er mykje deltid. Dette kjem mest til uttrykk for undervisningsstillingar der einskilde har ned i 10 % stilling og sogar under det. Forklaringa på dette er at nokre lærarar har mellombelse tilleggfunksjonar knytt til skuleåret i tillegg til si faste stilling.

Elles er ein del av engasjementa under opplæringssektoren mellombelse stillingar som er oppretta av fylkestinget som t.d. yrkesfagkoordinatorar og psykologar. Vi ser óg at lærarar som manglar godkjent pedagogisk utdanning er innplassert i engasjement då dei normalt er tilsett på vilkår av at dei fullfører den pedagogiske utdanninga.

Engasjementa i tannhelse er knytt til stipendiatstillingar og forskingskoordinatorstillingar ved TK-Vest. I fylkesadministrasjonen fordeler engasjementa seg slik: regional utvikling 3, kultur og idrett 3, samferdselsavdelinga 1, eigedomsavdelinga 1, økonomi- og organisasjonsavdelinga 1.

Vi har ikkje gjort noko nærare undersøking av om alle dei 65 engasjementa er rettsgyldige etter arbeidsmiljølova, men vi føreset at dei ansvarlege leiarane i HFK følgjer regelverket på området.

Lærlingar

Talet på fylkeskommunale lærlingar har auka monaleg frå 2014 til i dag, frå 15 til 41 som er ein auke på 173 %. Dette har samband med ei bevisst satsing på området. M.a. er det tilsett ein eigen fylkeskommunal lærlingkoordinator til å følgje opp arbeidet med lærlingar. Pr mars 2018 var talet på fylkeskommunale lærlingar 41 og målsettinga er å kome opp mot 50 fylkeskommunale lærlingar. 18 av dei 41 lærlingane er innan IKT.

Tabell 5: Oversyn over lærlingar i HFK for perioden 2014-2018

Tilsetningsform	2014	2015	2016	2017 ¹⁾	2018
Lærling	15	20	21	26	41

¹⁾ Talet for 2017 er pr. 1.mars.